



- SENAT -

Broj: 01-6824-1/16

Sarajevo, 14. 11. 2016. godine

Z A P I S N I K
SA 2. TEMATSKE SJEDNICE SENATA
ODRŽANE 14. 11. 2016. GODINE

Prisutni članovi Senata: prof. dr. Rifat Škrijelj, rektor, prof. dr. Aida Hodžić, prof. dr. Aleksandra Nikolić, prof. dr. Željko Šain, prof. dr. Maida Čohodar-Husić i prof. Zijad Mehić, prorektori, Bekir Rovčanin, student-prorektor, prof. dr. Mersad Čuljević, prof. dr. Amir Čaušević (po ovlaštenju), prof. dr. Meliha Bašić (po ovlaštenju), prof. dr. Samim Konjicija, prof. dr. Zuhdija Hasanović, prof. dr. Nedžad Korajlić, prof. dr. Šaćir Filandra, prof. dr. Husnija Kajmović, prof. dr. Samir Čaušević, prof. dr. Dijana Avdić, prof. dr. Davorka Završnik, doc. dr. Ksenija Kondali (po ovlaštenju), prof. dr. Samir Dolarević (po ovlaštenju), doc. dr. Šimo Maršić (po ovlaštenju), prof. dr. Izet Bijelonja, prof. dr. Almira Hadžović-Džuvo, prof. dr. Senad Kazić, prof. dr. Fatih Destović, prof. dr. Zlatan Sarić, prof. dr. Hajrija Sijerčić-Čolić, prof. dr. Mustafa Memić, prof. dr. Sadeta Šečić (po ovlaštenju), prof. dr. Mirza Dautbašić, prof. dr. Nihad Fejzić, prof. dr. Nezir Krčalo, prof. dr. Naris Pojskić, dr. sc. Rasim Muratović, dr. sc. Senija Milišić, dr. sc. Alen Kalajdzija, te predstavnici Studentskog parlamenta Univerziteta u Sarajevu: Haris Zahiragić, predsjednik SPUS-a, Nadira Alimanović, studentica prvog ciklusa studija Elektrotehničkog fakulteta, Mirza Ibrahimović, student drugog ciklusa studija Fakulteta sporta i tjelesnog odgoja, Mirela Mujović, studentica drugog ciklusa studija Fakulteta za kriminalistiku, kriminologiju i sigurnosne studije, i Lejla Lasić, studentica trećeg ciklusa studija Prirodno-matematičkog fakulteta Univerziteta u Sarajevu.

Ostali prisutni: prof. dr. Senada Kalabušić, koordinatorica Erasmus+ projekta Re@WBC, prof. dr. Berko Zečević, predsjednik Sindikata Univerziteta u Sarajevu, dr. sc. Suvad Konaković, generalni sekretar Univerziteta u Sarajevu, mr. sc. Nina Begović, stručna saradnica Službe za naučnoistraživački/umjetničkoistraživački rad.

Ostali prisutni za tačke 3. i 4. dnevnog reda: prof. dr. Nusret Smajlović, dekan Fakulteta sporta i tjelesnog odgoja, prof. dr. Sahrudin Sarajčić, izvršni direktor, gosp. Ekrem Čagalj, interni revizor, gđa Azra Zvizdić, rukovoditeljica Službe za opće poslove, gđa Almasa Tuhčić, rukovoditeljica Službe za javne nabavke, gđa Azra Kreso, sekretarica Filozofskog fakulteta, gđa Edina Mulić, šefica računovodstva Filozofskog fakulteta, gđa Aida Škamo, šefica računovodstva Stomatološkog fakulteta sa klinikama.

Odsutni članovi Senata: prof. dr. Izet Rađo, prorektor, prof. Marina Finci, dr. sc. Adnan Kadrić, Bakir Ganić, student prvog ciklusa studija Šumarskog fakulteta.

Sjednica je počela sa radom u 13:00 sati.

Predsjedavao je rektor prof. dr. Rifat Škrijelj, na čiji je prijedlog usvojen sljedeći

DNEVNI RED

1. Davanje saglasnosti na Strategiju ljudskih resursa za istraživače (HRS4R) sa Akcionim planom
Izvjestilac: prof. dr. Senada Kalabušić, koordinatorica Erasmus+ projekta Re@WBC
2. Prezentacija projekata koji se finansiraju iz fondova EU na Univerzitetu u Sarajevu
Izvjestilac: prof. dr. Aleksandra Nikolić, prorektorica za međunarodnu saradnju Univerziteta u Sarajevu
3. Aktuelna pitanja
 - 3.1. Izrada finansijskog plana za 2017. godinu
 - 3.2. Izrada plana javnih nabavki za 2017. godinu
 - 3.3. Formiranje i rad komisija svih članica Univerziteta u Sarajevu i Rektorata, kako slijedi:
 - a) centralne popisne komisije
 - b) komisija za popis imovine, stalnih sredstava, sitnog inventara, potraživanja, obaveza i novčanih sredstava
 - c) komisija za rashodovanje amortiziranih i oštećenih stalnih sredstava i sitnog inventara
 - 3.4. Obračun plaća i svih drugih ličnih primanja uposlenika Univerziteta u Sarajevu
 - 3.5. Projekat *Due Diligence* svih članica Univerziteta u Sarajevu i Rektorata**Izvjestilac:** prof. dr. Željko Šain, prorektor za finansije Univerziteta u Sarajevu
4. Tekuća pitanja

TOK SJEDNICE

Ad-1.

Prof. dr. Senada Kalabušić, koordinatorica Erasmus+ projekta Re@WBC, održala je prezentaciju u vezi sa tekstom Strategije ljudskih resursa za istraživače (HRS4R) sa Akcionim planom Univerziteta u Sarajevu.

Po okončanju prezentacije, a na prijedlog rektora prof. dr. Rifata Škrijelja, jednoglasno je donesena

ODLUKA

kojom se daje saglasnost na tekst Strategije ljudskih resursa za istraživače (HRS4R) sa Akcionim planom Univerziteta u Sarajevu.

Odluka će se dostaviti Evropskoj komisiji u svrhu prijave za dodjelu priznanja „Nagrada za HR izvrsnost u istraživanju“.

O b r a z l o ž e n j e

Cilj Strategije ljudskih resursa za istraživače (HRS4R) sa Akcionim planom je da uskladi viziju razvoja ljudskih resursa na Univerzitetu u Sarajevu sa Evropskom poveljom za istraživače i Principima za zapošljavanje istraživača (Povelja i Principi – eng. *European Charter for Researchers* i *Code of Conduct for the Recruitment of Researchers*). Ova dva dokumenta su najbolji primjeri dobre prakse koji mogu poslužiti kao vodič za zapošljavanje i razvoj istraživača. Kako bi se olakšala primjena Povelje i Principa, Evropska komisija može dodijeliti priznanje „Nagrada za HR izvrsnost u istraživanju“ (eng. *HR Excellence in Research*), koje se dodjeljuje istraživačkim institucijama i finansijerima koji su učinili značajan napredak u implementaciji Povelje i Principa.

Proces dobijanja priznanja sastoji se iz provođenja interne analize o tome kako Univerzitet postupa u sljedeća četiri područja koja su naglašena u Povelji i Principima: etika i profesionalizam, zapošljavanje, radni uvjeti i socijalna sigurnost, te obuka.

Kada se proces interne analize okonča i identificiraju nedostaci, Univerzitet razvija plan akcija kako bi adekvatno odgovorio na uočene nedostatke i odstupanja od principa sadržanih u Povelji i objavljuje analizu nedostataka i akcioni plan na svojoj web stranici. Nakon podnošenja akcionog plana Evropskoj komisiji (EK) i uspješne ocjene procesa koji je doveo do kreiranja akcionog plana, EK dodjeljuje priznanje „Nagrada za HR izvrsnost u istraživanju“. Nakon toga, Univerzitet implementira akcioni plan i provodi postupak samoevaluacije nakon dvije godine, a eksterna evaluacija se provodi najmanje svake četvrte godine.

Univerzitet u Sarajevu je potpisao Pismo namjere za pristupanje Evropskoj povelji o istraživačima i Principima za zapošljavanje istraživača 10. juna 2016. godine i proveo analizu nedostataka u periodu od aprila do septembra 2016. godine.

Ad-2.

Prof. dr. Aleksandra Nikolić, prorektorica za međunarodnu saradnju Univerziteta u Sarajevu, održala je prezentaciju o projektima koji se finansiraju iz fondova EU na Univerzitetu u Sarajevu, a u cilju transparentnosti i ocjene stanja u oblasti međunarodne saradnje na Univerzitetu u Sarajevu, kao i potrebe za jačanjem aktivnosti u domenu međunarodne saradnje i internacionalizacije Univerziteta u Sarajevu.

Ad-3.

Aktuelna pitanja

3.1. i 3.2. Izrada finansijskog plana i plana javnih nabavki za 2017. godinu

Povodom razmatranja izrade finansijskog plana za 2017. godinu, kao i izrade plana javnih nabavki za 2017. godinu, vodila se diskusija u kojoj su učestvovali: prof. dr. Rifat Škrijelj, prof. dr. Željko Šain, prof. dr. Nihad Fejzić, prof. dr. Mirza Dautbašić i prof. dr. Sahrudin Sarajčić. Po okončanju diskusije jednoglasno je donesen sljedeći

Z A K L J U Č A K

Obavezuju se organizacione jedinice Univerziteta u Sarajevu, koje do 14. 11. 2016. godine nisu dostavile finansijske planove i planove javnih nabavki za 2017. godinu, i to: Fakultet za saobraćaj i komunikacije, Pravni fakultet i Stomatološki fakultet sa klinikama, da hitno dostave iste, a u cilju daljnje realizacije i donošenja integriranih planova Univerziteta u Sarajevu za 2017. godinu.

Rok za dostavu planova je 18. 11. 2016. godine.

Za realizaciju ovog zaključka zadužuju se rukovodioci/dekani organizacionih jedinica Univerziteta u Sarajevu.

U skladu sa diskusijom donesen je i sljedeći

Z A K L J U Č A K

Zadužuju se interni revizor i izvršni direktor Univerziteta u Sarajevu da prodekanima za finansije i šefovima računovodstava na organizacionim jedinicama Univerziteta u Sarajevu pomognu pri izradi finansijskih planova i planova javnih nabavki za 2017. godinu, kako bi isti bili harmonizirani i unificirani na nivou Univerziteta u Sarajevu.

3.3. Formiranje i rad komisija svih članica Univerziteta u Sarajevu i Rektorata

Nakon kraćeg uvodnog obraćanja prorektora prof. dr. Željka Šaina, jednoglasno je donesen sljedeći

Z A K L J U Č A K

1. Obavezuju se sve organizacione jedinice Univerziteta u Sarajevu da do 21. 11. 2016. godine dostave imena članova za sljedeće komisije i to:
 - centralnu popisnu komisiju,
 - komisiju za popis imovine, stalnih sredstava, sitnog inventara, potraživanja, obaveza i novčanih sredstava i
 - komisiju za rashodovanje amortiziranih i oštećenih stalnih sredstava i sitnog inventara.
2. Zadužuje se interni revizor Univerziteta u Sarajevu da organizira i realizira obuku sa imenovanim članovima popisnih komisija organizacionih jedinica Univerziteta u Sarajevu sa ciljem uspješne provedbe popisa za 2016. godinu na svim organizacionim jedinicama Univerziteta u Sarajevu.

3.4. Obračun plaća i svih drugih ličnih primanja uposlenika Univerziteta u Sarajevu

Nakon diskusije u kojoj su učestvovali: prof. dr. Rifat Škrijelj, prof. dr. Željko Šain, prof. dr. Almira Hadžović-Džuvo i prof. dr. Zlatan Sarić, jednoglasno je donesen sljedeći

Z A K L J U Č A K

Uputiti dopis Vladi Kantona Sarajevo kojim se traži hitna korekcija ili stavljanje van snage odredaba Uredbe o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, br. 41/16), koje se odnose na obračun osnovne plaće rektora i dekana fakulteta/akademija Univerziteta u Sarajevu. Istim dopisom će se Vlada Kantona Sarajevo obavijestiti da je plaća na Univerzitetu u Sarajevu za oktobar 2016. godine isplaćena u akontativnom iznosu u visini plaće za septembar 2016. godine.

Za realizaciju ovog zaključka zadužuje se generalni sekretar u saradnji sa prorektorom za finansije, izvršnim direktorom, internim revizorom i Službom za pravne poslove Univerziteta u Sarajevu.

U skladu sa diskusijom donesen je i sljedeći

ZAKLJUČAK

U cilju ujednačavanja odnosno unificiranja obračuna isplata po osnovu ugovora o radu, ugovora o djelu i ugovora o autorskom honoraru akademskom osoblju Univerziteta u Sarajevu, potrebno je organizirati radni sastanak sa prorektorom za finansije Univerziteta u Sarajevu, prodekanima za finansije i šefovima računovodstava organizacionih jedinica Univerziteta u Sarajevu.

3.5. Projekat *Due Diligence* svih članica Univerziteta u Sarajevu i Rektorata

Nakon kraćeg uvodnog obraćanja prorektora prof. dr. Željka Šaina, jednoglasno je donesen sljedeći

ZAKLJUČAK

Dana 22. 11. 2016. godine realizirat će se sastanak sa prodekanima za finansije i šefovima računovodstava organizacionih jedinica Univerziteta u Sarajevu na kojem će se razmotriti dinamika implementacije projekta *Due Diligence* na svim organizacionim jedinicama i Rektoratu Univerziteta u Sarajevu.

Ad-4.

Tekuća pitanja

Dr. sc. Suvad Konaković, generalni sekretar, upoznao je članove Senata da je 14. 11. 2016. godine održao radno-konsultativni sastanak sa sekretarima organizacionih jedinica. Sastanak je organiziran povodom izrade i donošenja novog pravilnika o radu na nivou Univerziteta u Sarajevu. Na navedenom sastanku zaključeno je da se formira radna grupa koja će pristupiti izradi novog pravilnika o radu, a koja će se sastojati od predstavnika grupacija nauka/umjetnosti, instituta, kao i predstavnika Studentskog parlamenta Univerziteta u Sarajevu. Također je zaključeno da generalni sekretar zatraži smjernice i instrukcije od Upravnog odbora Univerziteta u Sarajevu za efikasniji rad radne grupe.

Sjednica je završena u 15:20.

Rektor

Prof. dr. Rifat Škrijelj, s. r.

Zapisničar:

Alma Voloder-Madacki, s. r.